

太平縣志卷之一

宸翰

聖祖仁皇帝御書

至聖先師殿額

萬世師表 康熙二十三年十月

世宗憲皇帝御書

至聖先師殿額

生民未有 雍正三年八月

高宗純皇帝御書

至聖先師殿額

與天地參 乾隆三年正月

皇上御書

太平縣志

卷一 宸翰

至聖先師殿額

聖集大成 嘉慶五年四月

御製

國朝

聖祖仁皇帝御製

至聖先師孔子贊并序

蓋自三才建而天地不居其功一中傳而聖人代宣其精  
有行道之聖得位以綏猷有明道之聖立言以垂憲此正  
學所以常明人心所以不泯也粵稽往緒仰溯前徽堯  
舜禹湯文武達而在上兼君師之寄行道之聖人也孔  
子不得位窮而在下秉刪述之權明道之聖人也行道者  
勲業炳於一朝明道者教思周於百世堯舜文武之後不  
有孔子則學術紛淆仁義湮塞斯道之失傳也久矣後  
之人而欲探二帝三王之心法以為治國平天下之準其

太平縣志

卷一 御製

二

奚所取衷焉然則孔子之為萬古一人也審矣朕巡省東  
國謁祀闕里景企滋深敬摛筆而為之贊曰

清濁有氣剛柔有質聖人參之人極以立行著習察舍道  
莫由惟皇建極惟后綏猷作君作師垂統萬古曰惟堯舜  
禹湯文武五百餘歲至聖挺生聲金振玉集厥大成序書  
刪詩定禮正樂既窮象繫亦嚴筆削上紹往緒下示來型  
道不終晦秩然大經百家紛紜殊途異趣日月無踰曇  
可晤孔子之道惟中與庸此心此理千聖所同孔子之德  
仁義中正秉彝之好根本天性庶幾夙夜勗哉今圖溯  
源洙泗景躡唐虞載歷庭除式觀禮器摛毫仰贊心  
焉遐企百世而上以聖為歸百世而下以聖為師非師夫  
子惟師於道統天御世惟道為寶泰山巖巖東海泱泱

牆高萬仞夫子之堂孰窺其藩孰窺其徑道不遠人克念作聖  
顏子贊

聖道早聞天資獨粹約禮博文不遷不貳一善服膺萬德  
來萃能化而齊其樂一致禮樂四代治法兼備用行舍  
藏王佐之器

曾子贊

洙泗之傳魯以得之一貫曰唯聖學在茲明德新民止善為  
期格致誠正均平以推至德要道百行所基纂承統緒  
修明訓辭

子思子贊

於穆天命道之大原靜養動察庸德庸言以育萬物以贊  
乾坤九經三重大法是存篤恭慎獨成德之門卷之藏

平縣志

卷一

御製

三

密擴之無垠

孟子贊

哲人既萎揚墨昌熾子輿闢之曰仁曰義性善獨闡知言養  
氣道稱堯舜學屏功利煌煌七篇並垂六藝孔學攸傳  
禹功作配

戶部尚書文華殿大學士張玉書奉

勅書

聖謨

國朝

論碑

順治六年九月奉

旨禁革火耗

禁革填宅

禁革加派

禁革非重犯不許入

獄禁革不許苦難驛遞建亭豎立縣堂前

卧碑

順治九年二月初九日禮部題奉

欽依刊立卧碑曉示生員

朝廷建立學校選取生員免其丁糧厚以廩膳設學院學道

學官以教之各衙門官以禮相待全要養成賢才以供

朝廷之用諸生當上報

太平縣志

卷一 聖謨

四

國恩下極人品所有各條開列於後

一生員之家父母賢智者子當受教父母愚魯或有非為子

既讀書明理當再三懇告使父母不陷於危亡

一生員立志當學為忠臣清官書史所載忠清事蹟務須

互相講究凡利國愛民之事更宜留心

一生員居心忠厚正直讀書方有實用出仕必作良吏若

心術邪刻讀書必無成就為官必取禍患行害人之事者往

往自殺其身常宜思省

一生員不許干求官長交結勢要希圖進身若果心善德

全上天知之必加以福

一生員當愛身忍性凡有司衙門不可輕入即有切己之事止

許家人代告不許干與他人詞訟他人亦不許牽連生員作證

一為學當尊敬先生若講說皆須誠心聽受如有未明從容再問毋妄行辨難為師者亦當盡心教諭勿致怠惰

一軍民一切刑病不許生員上書陳言如有一言建白以違

制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

訓飭士子文 康熙四十一年

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積習已久猝難改易之故也茲特親製訓言再加警飭爾諸生其敬聽

太平縣志

卷一 聖謨

五

之從來學者先立品行次及文章學術事功原委有叙爾諸生幼聞庭訓長列官牆朝夕誦讀宜無講究必也躬修實政砥礪廉隅敦孝順以事親秉忠正以立志窮經考義勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心秉淑行己多愆或蜚語流言或誹謗官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨不齒縱倖脫襪并濫竊童章變返之於衷寧無愧乎况乎鄉會科名乃掄才大典闕係尤鉅士子果有真才實學何患困不逢年顧乃標榜虛名暗通聲氣賞緣詭遇罔顧身家又或改竄鄉貫希圖進取冀凌騰沸網利營私種種弊端深可痛恨且夫士子出

身之始尤貴以正若茲厥初拜獻便已作姦犯科則異時取檢  
論開無所不至又安望其秉公持正為國家宣猷樹績膺後  
之寵附之選哉朕用嘉惠爾等故不禁反覆惓惓茲訓書頒到  
爾等務共體朕心恪遵明訓一切痛加改省爭自濯磨積行  
為報父亦增光寵矣逢時得志宜俟他求哉若仍視為具文  
玩愒勿做數方雖治暴棄自甘則是爾等冥頑無知終不能  
享教也既負栽培復干咎戾王章具在朕亦不能為爾等寬  
矣自茲以往內而國家外而直省鄉校凡學臣師長皆有司  
鐸之責者並宜傳集諸生多方董勸以副朕懷否則職業勿  
修咎亦難逭勿謂朕言之不預也爾多士尚敬聽之哉

諭州縣文雍正元年

太平縣志

卷一 聖訓

六

諭知州知縣朕惟國家首重吏治爾州牧縣令乃親民之官吏  
治之始基也貢賦獄訟爾實司之品秩雖卑職任甚重州縣  
官贖則民先受其利州縣官不肖則民先受其害膺茲任者  
當體朝廷惠養元元之意以愛民為先務周察節屋緝輯  
鄉里治行果有其實循卓自有其名非內聚賄而外干譽  
謂之名實兼收也全省吏治如作室然督撫其梁棟也司道其  
垣墉也州縣其基址也書曰民惟邦本本固邦寧夫所以固邦  
本者或在吏治而吏治之本在州縣苟州縣之品不端猶不立  
則室不固庸有濟乎

皇考臨宇六十年灼知州縣之重特行引見咨詢明試至詳至  
慎其有廉能之員每不次超擢以示鼓勵今海內羣黎皆  
皇考所懷保也朕膺

永社重寄思續

皇考之治功惟爾州縣諸臣共有父母斯民之責其為朕立之  
基址以固邦本焉誠能潔己奉公實心盡職一州一縣之中興  
仁興讓教孝教忠物阜民安刑清訟簡朕將升之朝宁用作  
股肱如或罔念民瘼恣意貪婪或朘削肥家或濫刑逞虐或  
借刻以為清或恃才而多事或諂媚上司以貪位或任縱胥  
吏以提民或徇私逞欲以上虧國帑王章具在豈爾貸與更  
有任州縣時私肥己橐而謾云且俟頭要方立名節者其與私  
市清名晚而改操之人何以異哉至於錢糧關係尤重絲毫顆  
粒皆百姓之脂膏增一分則民受一分之累減一分則民沾一  
分之澤前有請暫加火耗抵補虧空帑項者  
皇考示諭在廷不允其請爾諸臣共聞之矣今州縣火耗任意加

太平縣志

卷一 聖謨

七

增稅為成例民何以堪乎嗣後斷宜禁止或被上司察核或被  
科道糾叅必從重治罪決不寬貸夫欲清虧空之源莫如節  
儉正直節儉則用無不足正直則上官不可干以私若朘小民  
之生以飽上官之貪欲冒不測之罪以快一時之奢侈豈砥礪  
廉隅為民父母之道乎爾州縣等官其恪共乃職勿貽罪戾  
毋謂地遠官卑朕不及察其賢否也特諭

諭養老文 雍正元年

諭戶部恩賜老人原為崇年尚齒而地方賞老人者每州縣動  
支數千金司府牧令上下通同侵扣吏役復任意需索老人十  
不得一二負曠典罪不容追今飭令督撫嚴查務令有司親  
自沿鄉訪察照看據實造冊給發不許私毫侵扣如仍蹈前  
弊立即叅處如督撫奉行不謹朕若訪出必加失於覺察之

罪再老人九十以上者州縣不時存問其或孤寡及子孫貧不能養贍者督撫以至州縣共同設法恤養或奏聞動用或糧務令得沾實惠特諭

諭旌表孝義貞節 雍正元年

諭禮部致治之要首在風化移風易俗莫先於鼓勵良善使人人知彝倫天則之為重忠孝廉節之宜敦古帝王勞來匡直所以納民於軌物者舍是無由也朝廷每遇覃恩詔欵內必有旌表孝義貞節之條實係鉅典邇來直省大吏往往視為具文并未廣諮遠訪祇將有力之家囑託賂遺者漫憑郡縣監司之申詳即為題請建坊而山村僻壤窮氓耕織之人或菽水養親天性篤孝或柏舟矢志之死靡他鄉鄰嗟嘆為可欽而姓氏不傳於城邑幽光湮鬱潛德消沉者何可勝數爾部即着

太平縣志

卷一 聖謨

八

傳諭督撫學政諸臣嗣後務期各屬搜羅虛公核詢確據本鄉評實蹟題奏旌獎勿以匹夫匹婦而輕為阻抑勿以富家巨族而濫為表揚以副朕成俗化民實心彰善至意特諭

諭勸農 雍正二年

諭直省督撫等官朕惟撫養元元之道足用為先朕自臨御以來無刻不履念民依重農務本業已三令五申矣但我國家休養生息數十年來戶口日繁而土田止有此數非率天下農民竭力耕耘兼收倍獲欲家室盈寧必不可得周官所載巡稼之官不一而足又有保介田畷日在田間皆為課農設也今課農雖無專官然自督撫以下孰不兼此任也其各督率有司悉心相勸並不時咨訪疾苦有絲毫妨於農業者必為除去仍於每鄉中擇一二老農之勤勞作苦者優其獎賞



以示鼓勵如此則農民知勸而惰者可化為勤矣再舍旁田畔以及荒山不可耕種之處度量土宜種植樹木桑柘可以飼牲糞糞粟可以佐食柏桐可以資用即榛楛雜木亦足以供炊爨繫其令有司督率指畫課令種植仍嚴禁非時之斧斤牛羊之踐踏奸徒之盜竊亦為民利不小至孳養牲畜如北方之羊南方之豕牧養如法乳字以時於生計無不裨益總之小民至愚經營衣食非不迫切而於目前自然之利反多忽略所賴親民之官委曲周詳多方勸導庶使踴躍爭先人力無遺而地利始盡不惟民生可厚風俗亦可遷迥爾督撫等官各體朕惓惓愛民之意實心奉行倘視為具文苟且誣飾或反以擾民則尤其不可也特諭諭設立社倉添補錢糧雍正二年

太平縣志

卷一 聖謨

九

社倉之設原以備荒歉不時之需用意良厚然往往行之不善致滋煩擾官民俱受其累朕意以為奉行之道宜緩不宜急宜勸諭百姓聽民便自為之而不當以官法繩之也近聞各省漸行社倉之法貯蓄於豐年取資於儉歲俾民食有賴而荒無憂朕心深為嘉悅但因地利宜須從民便是在有司善為倡導於前留心照應於後使地方有社倉之害此則爾督撫所當加意體察者也又聞民間輸納錢糧用自封投櫃法亦屬便民之道但偶有短少之處令其添補每至多索其數浮于所少之外理應將原銀發還仍于原封內照數補足交納庶可免多索之弊此雖細事督撫大吏亦不可不留心體察嚴飭有司以除民累特諭諭督撫雍正十二年

朕閱督撫奏屬員及題請改教本章每有書生不能勝任及書氣未除等語夫讀書所以致用凡修己治人之道事君居官之理備載於書故傳說之告其君曰學於古訓乃有獲又曰念終始典於學成王訓其臣曰學古入官議事以制政乃不迷又曰不學面牆蒞事惟煩人不知書則偏陂以宅衷操切以處事生心害政有不可救藥者若州縣官果足以當書生二字則以易直子諒之心行寬和惠愛之政任一邑則一邑受其福一郡則一郡蒙其休朕惟恐人不足當書生之稱而妄行以書生為戒乎若以書生為戒朕自幼讀書宮中講誦二十餘年未嘗少輟實一書生也王大臣為朕所倚任朝夕左右者亦皆書生也若指屬員之迂謬疎庸者為書生以相詬病則未知此正伊不知書所致而書豈任其咎哉至于書氣二字尤可察其

太平縣志

卷一 聖謨

十

果能讀書沉澆醞釀而有書氣更集義以充之便是浩然之氣人無書氣即為粗俗氣市井氣而不可列於士大夫之林矣是書氣正宜從容涵養以善培之安可勸之使除而反以未除者為病乎且朕聞外間斥人之短每云伊欲做好人未子云學者通病在思作貴人不想作好人人果欲做好人行好事則甚有益於國事造福無窮若以好人為戒不幾相率而拂人之性乎凡此皆係識見粗鄙不知治體不明大義之言朕今姑發其蔽而教戒之當各翻然思悔特諭

諭督撫嚴飭州縣吏役乾隆元年

上諭朕惟州縣為親民之吏自宜廉平不擾懋著循聲乃獄訟催科之際官民情意易致睽隔百姓潛受苦累而無由自訴者則以書役之為害甚劇州縣官不知所以振制而剔除

之也朕訪聞直省州縣衙門經承之外必有貼寫正役之外復多  
白役聚此數十輩無賴之徒假托公務橫肆貪婪其為小民  
旋累何可勝言故有獄訟尚未審結而耗財於若輩之手兩  
這已經生困者矣額糧尚未收納而浮費於催徵中飽於  
有已什去二三矣其餘勾緝命盜因緣舞弊過事風生  
正無辜賄縱要犯大率貼寫白役之為害居多各直省  
宜嚴飭各該州縣將所有吏役按籍鈎考其有私行  
行裁革設正額書役實不敷用不時于貼寫帶役中  
其謹者酌量存留亦必嚴加約束毋得非時差擾至於經承  
正役務須時刻稽查倘有壞法擾民之事立即按律重懲庶  
使若輩知所顧忌不得肆其伎倆倘或明知故縱姑息養奸又  
或喜其巧於趨承受其朦蔽此則不受百姓而愛吏役即屬戕

害吾民之甚者也為民父母其忍出此乎且書吏之為害不止州  
縣衙門已也凡徵解錢糧上司書吏輒向州縣書吏索取費用  
因而縣吏假借上司費紙張名色派索花戶又如徵解漕糧道  
衙門書吏需索縣吏規禮因而縣吏遂勾通本縣家人盤踞倉  
廩於正額外多收耗米稍不遂意百般留難遠鄉小民以得此  
為幸守候為艱不得不飽其貪壑又開院司衙門凡州縣申詳事  
件每先發各房書吏批迭僉書吏從此作奸射利遲速行嚴之  
間得以上下其手蓋衙蠹之為害擾自上及下正不自州縣  
也是在為督撫者整肅紀綱立闕省之表率而監司守令各  
職互相糾正則弊絕風清民安衽席朕惠養元元之恩豈  
以周浹閭閻矣特諭  
諭嚴懲侵貪乾隆十四年

上諭朕於侵貪各案諄諄垂戒前後所降諭旨不啻三令五申此  
次向到辦理侵貪各案有督撫輕視經九卿改入情實者有九  
卿混入緩決經朕指示情節改入情實者所有二年限滿之  
記完數如例者業經分別原減其逾限未完營私入已確然有  
憑者予勾正法誠以律不容弛法當共守與其失之寬而犯之  
者眾不如顯然示以無所假借俾知所戒而不至更蹈覆轍  
所全者實多也朕前降旨令刑部於秋朝審時將各省官  
犯彙為一冊得以詳悉推勘以昭慎重之意此雖不僅指侵  
貪而官犯內惟侵貪者常多以理論之潔已奉公人臣之職  
分應爾倉庫錢糧莫非小民脂膏上以供軍國經費人君  
且不得私有而乃漫無顧忌如取如携婪正供而入私橐是  
閭里之諭將徒為若輩填豁窟也夫取非其有者謂之盜

太平縣志

卷一 三 謨

況取國家之所有乎貪人之財猶謂之盜而况其貪國家之財  
乎此情尚可恕乎向來銅習以為盜盜毋貪此在為上者愛  
民之深權其輕重謂與其厲民毋寧損上以是重言人臣之  
不可貪耳而豈忍以盜待臣子哉為臣子者又豈甘以盜自處哉  
人從知貪利於民者貪也蠹蝕於官者侵也援律傳罪輕重判然  
不知貪者固有害於下而侵者實無所畏於上以無畏之心而  
以無窮之慾則派累以肥橐者有之因事而勒索者有之  
至枉法而受賍者有之朝廷之府庫且所不顧更何民庶  
可矜何民膏之足惜此侵則必貪勢使然也此等劣員多留  
日則民多受一日之殘國多受一日之蠹即以劣蹟敗露尚  
可因循姑息繫之囹圄獲全首領下愚不肖之輩其何所  
警惕而絕其行險徼倖之心又安知其不轉以身被刑辟之

虛名而子孫享富厚之實惠且自謂得計即是斧鑕一日未  
加則侵貪一日不止惟一犯侵貪即入情實且即與勾決人  
人共知法在必行無可倖免身家既破子孫莫保則饕餮  
之私必能自禁何至甘心扞網冒法此狂瀾之必不可不迴而  
膏肓之必不可不救旋轉之機端在於此用是再頒諭旨詳  
悉開導俾共知潔己奉公之大義凜服官典守之大防杜  
絕侵漁終遠刑辟為良有司國家實嘉賴焉如其不知畏懼不  
知悛改則三尺具在斷在必行前鑒昭然慎勿視為具文  
也此諭

平定三省紀畧嘉慶七年

天生民而樹之君使司牧之奚能獨任斯事故必分命岳牧教  
養兆庶誠能愛民如赤子民亦敬官如父母豈有干犯名義

太平縣志

卷一 聖謨

十三

之事哉若不知教養聽其游惰及至聚眾搶劫不得不用兵討  
捕其實民則無知妄作官則不教而誅良民被賊屠戮固深  
憐憫即罹法之賊亦不知所犯豈非官失於教乎官既不教  
民則有奸詭之徒創立邪教幻稱彌勒名踵白蓮飲錢惑眾結  
病燒香妄談禍福因果愚民被其煽誘醜類既眾遂思蠢動  
到處鼓惑泣未易衣冠立國號不滿意圖劫掠子女財物有  
有謀為不軌叛逆之心遂於丙辰年辰月起於楚地蔓延以蜀  
豕突狼奔蜂屯蟻聚焚殺擄掠無所不至為難命將出師緣國  
集勇奈旋剪脩起東勝西逃勢如野火燎原卒難撲救賊風  
夜焦愁廣詢博採集議而行虛衷延納賴經畧額勒登保  
參贊德榜奏忠勇清貞盡力籌辦行間諸將士効命  
場不避險阻而三省諸良民誼切同仇知方有勇追奔逐北於

...署機緘艱苦備嘗經七年之久事始告成擒戮著名  
首逆百餘人積惡頭目數百人掃除脅從二十餘萬衆悔罪  
投首者亦有數萬而陣亡之將士以及被害之黎庶更不可以  
數計嗚呼痛哉予受璽臨軒適逢斯患實予不德所致然  
揆厥所由總因大法而小不廉上行而下不效視官階為利藪  
不恤國計民生惟思保位謀利苟且因循遷延疲玩守牧既如  
此處心積慮又何能體察小民之疾苦自然視同秦越矣任  
吏倚作奸犯科錙銖較量以致衆怨沸騰激而生變官逼民  
反之語信非謬也幸邀

天恩

考佐三省竄謫萬民復安予益凜

天命難諶民君可畏治益求治安益求安兢業為懷以期衆姓咸

太平縣志

卷一 聖謨

十四

登衽席永為盛世之良民語云經正則庶民興是在賢守牧實  
心愛民有為有守除暴安良道德齊禮庶幾可望太平仰酬  
我

皇考六十年治世之苦衷於萬一若有剝削小民重利忘義或自  
顧爵位狗庇劣員或自肥身家凌虐黔首朕必執法重懲決  
不姑恕若有政聲卓越善蹟彰著之良吏朕必破格錄用立  
加榮錫咨爾內外臣工矧身袞圖治公爾忘私國爾忘家上下交儆  
用肇我國家億萬載無疆之慶是予之至願也

勤政殿記嘉慶十年

成

皇考於理事正殿皆顏勤政誠以持心不可不敬為政不可不勤  
也六十餘年

身體力行垂教後嗣子孫臣庶觸目警心知所效法永保無疆  
之麻常警急忽之念予小子敬承大業夕惕乾朝乾無時或  
懈蓋天下至大惟日孜孜恒恐不及若聽政不勤或勤而不加  
察則曩旌隨之流弊滋甚矣夫敬為勤之本唯敬勝怠心主於敬  
則無時不惕所警者所謂清明在躬志氣如神遇事洞燭見理精  
詳雖忘勤而不覺其勞無所用其勉強從容中道心主於敬之  
功效也予天子以至於庶人皆以敬勤為立身之本君勤則國治  
怠則國危臣勤則政自理怠則政不綱為學不勤則學業無  
成力農偶怠則田功必棄以至工商賤業事雖異而理則同也  
然勤勝怠人所同知彼好逸厭勞者皆心不能主於敬故不勝怠  
惰之念耳我朝

家法無一日不聽政臨軒中外臣工內殿進見君臣無間臨軒  
太平縣志 卷一 聖謨 十五

上下交泰民隱周知視前朝之君深居大內隔絕臣工竟有  
宰相之面者相去不啻霄壤朕承

考訓身及忘敬勤罔敢耽逸樂一日二日萬幾至敏且臣內  
六部九卿外而直省大吏誠能夙夜在公存心匪懈各勉敬勤  
予不逮眾志成城何患不治乎若心存懈怠身耽安逸惟  
祿任位國計民生漠不勤念則政事廢弛其害可勝言哉故予  
記於殿壁既以自戒兼告諸臣庶幾永持此敬勤不怠之志  
仰副我

皇考垂示後人立身圖治之大經大法期共勉以毋忘是予之至  
願也謹記

附錄

明洪武卧碑禮部欽依出榜曉示郡邑學校生員為建書事

理本部照得學校之設本欲教民為善其良家子弟入學必  
志在薰陶德性以成賢人近年以來諸府州縣生員父母有  
失教之方不以尊師係學業為重保身惜行為先方知行  
文之意眇視師長把持有司恣行私事少有不從即以虛  
詞徑赴京師以惑聖聽或又暗地教唆他人為詞者有之似  
此之徒縱使學成文章後將何用况為人必不久同人世何  
也蓋先根殺身之禍於身豈有長生善終之道所以不得其  
善終者事不為己而訐人過失代人報讐而排陷有司此志  
一行不至於殺身未知止也出榜之後良家子弟歸受父  
母之訓出聽師長之傳志在精通聖賢之道務必成賢外  
事雖人有干於己不為大害亦置之不忿固性含情以拘  
其心待道成而行行豈不賢人者歟所有事理條列于

太平縣志

卷一 聖謨

後

一今後州縣生員若有大事干於家己者許父兄弟姪具  
狀入官辨別若非大事含情忍性毋輕至公門  
一生員之家父母賢志者少愚癡者多其父母賢志者子  
自外入必有家教之方子當受而無違斯孝行矣何恣  
不賢者哉其父母愚癡者作為多非子既讀書得聖賢  
知覺雖不精通實愚癡父母之幸獨生是子若父母欲  
行非為子自外入或就內知則當再三懇告雖父母不從  
致身將及死地必欲告之使不陷父母於危亡斯孝行矣  
一軍民一切利病並不許生員建言果有軍民一切利病  
之事許當該有司在野賢人有志壯士質朴農夫商賈  
技藝皆可言之諸人毋得阻當唯生員不許



一 生員內有才優學聰深明治體果治何經精通透徹年及三十願出任者許數陳王道講論治化述作文辭呈稟本學教官考其所作果通性理連僉其名具呈提調正官然後親齎赴京奏聞再行面試如是真才實學不待選舉即時錄用

一 為學之道自當尊敬先生凡有疑問及聽講說皆須誠心聽受若先生講解未明亦當從容再問毋恃己長妄行辨難或置之不問有如此者終世不成

一 為師長者當體先賢之道竭忠教訓以導愚蒙勤考其課撫善懲惡毋致懈惰

一 提調正官務在常加考校其有敦厚勤敏撫以進學懈怠不律愚頑狡詐以罪斥去使在學者皆為良善斯為稱職矣

一 在野賢人君子果能練達治體敷陳王道有闕治得失軍民利病者許赴所在有司告給文引親齎赴京面奏如果可采即便施行不許坐家實封入遞

一 民間凡有冤抑於自己及官吏責富差貧重科厚斂巧取民財等事許受害之人將實情自下而上陳告毋得越訴非干自己者不許及假以建言為由坐家實封者前件如已依法陳告倘該府州縣布政司按察司不為受理及聽斷不公仍無冤枉者方許赴京伸訴

一 江西兩浙江東人民多有事不干己代人陳告者今後如有此等之人治以重罪若果隣近親戚人民全家被人殘害無人伸訴者方許

一 各處斷發充軍及安置人數不許建言其所管衙所官

員毋得容許

一若十惡之事有干朝政實蹟可驗者許諸人密窺切赴京而  
奏

一前件事理仰一講解遵守如有不遵並以違制論

一欽奉勅旨務文到日所在有司即便命匠置立卧碑依式  
鐫勒於石永為遵守

嘉靖第一歲并序夫敬者存其心而不忽之謂也元后敬則  
不失天下諸侯敬則不失其國卿大夫敬則不失其家士  
庶人敬則不失其身而曰后克親厥后臣克艱厥臣五子  
之歌有云于臨兆民如朽索之馭六馬為人上者奈何不敬  
其推廣敬之一言可謂明矣一者純乎理而無雜之謂也伊  
尹曰德惟一動罔不吉德二三動罔不凶其推廣一之一

太平縣志

卷一 聖謨

十八

可謂明矣其位為元后受天付託承天明命作萬方之君一  
言一動一政一令實理亂安危之所繫若此心忽而不敬則  
此德豈能純而不雜哉故必兢懷畏慎於郊禋之際儼神  
明之鑒享發政臨民端莊戒謹惟恐拂於人情至於獨處  
之時思我之咎何如改之不吝思我之德何如勉而不懈凡  
諸事至物來究夫至理惟敬是持惟一是協所以盡為天  
之子之職庶不忝厥祖厥親由是九族親之黎民懷之仁  
澤覃及於四海矣朕以冲人繼承丕緒自諒德惟寡昧  
勉而行之欲盡持敬之功以馴致乎一德其先務又在虛心寡  
慾驅除邪逸信任耆德為之匡輔敷求善人布列庶位斷  
可行純正之道以坐致太平雍熙之至治也朕因讀書而有  
得焉乃述此以自勗云

人有此心為理成具體而行之惟德是據敬焉一焉所當先  
務匪一弗純匪敬弗聚元后奉天長此萬夫發政施仁期  
保鴻圖敬怠純駁應驗頓殊徵諸天人如鼓答桴朕荷  
天眷為民之主德或不類以為大懼惟敬惟一執之甚固  
畏天勤民不遑寧處曰敬維何怠荒必除郊則恭誠廟  
嚴亦趨肅於明廷慎於閒居省躬察咎儆戒無虞曰一  
維何純乎天理弗參以三弗貳以二行顧其言終如其始  
靜虛無欲日新不已聖賢法言備見諸經我其究之擇  
善必精左右輔弼貴於忠貞我其任之鑒別必明斯之謂  
一斯之謂敬君德既修萬邦則正天親民懷永延敬慶  
光前垂後緝行善感之旨爾諸侯卿與大夫以至士庶一  
遵斯謨主敬協一罔敢或渝以保祿位以完其軀古有

太平縣志

卷一 聖謨

十九

盤銘目接心警湯敬日躋一德受命朕為斯箴拳拳  
希聖庶幾湯孫底於嘉靖

太平縣志卷之一

蠲賑賞賚附

蠲賑恤民代有明詔洪惟我

朝黎隱畢照水毀金饑荒政舉要遠古立隆史書有程志蠲賑  
國朝平定江南順治二年奉

旨蠲免本年稅糧十分之七兵餉十分之四其明末無藝之征  
盡永除之三年覆准江南各府疊罹寇患漕米折價於

恩詔外再免三分之一會典

順治四年免二年三年錢糧之欠在民者

順治七年免四年錢糧之欠在民者又免本年地丁錢糧四分之

一

八年寧國府等旱災改折秋糧三分之一

太平縣志

卷一 蠲賑

二十

九年江南大旱安慶諸屬蠲免正賦改折漕糧並除耗米

十三年蠲地畝人丁本折錢糧拖欠在民者

康熙四年奉

恩赦直隸各省順治十六七八年舊欠錢糧着照蠲十五年

以前一體除免

八年奉

恩詔康熙元二三年直隸各省丁地正項錢糧實係拖欠

在民不能完納者該督撫奏請蠲免

十年奉

恩詔四五年各省丁地正項錢糧實係拖欠在民不能完納

者該督撫奏請蠲免

十一年欽奉

恩旨念江南水旱頻仍停征九年分攤米折銀並停征九年以前未完錢糧安徽各屬發粟按籍分賑

十七年江南各屬水災蠲停地丁漕項銀兩

十八年三月至八月不雨奉

旨十年十一年十二年舊欠錢糧俱着蠲免其十三十四十五十

六年錢糧俱自十九年起分年帶征

二十年十二月奉

恩詔兵革寢息人民乂安免康熙三十四三十五三十六三十七年地

丁民欠錢糧

二十三年九月奉

恩詔江南自用兵以來供應繁苦宜加恩卹康熙二十四年以前運

漕糧着免三分之一又自康熙十三年起至二十二年拖欠漕

太平縣志

卷一 蠲賑

二十一

項錢糧著自二十三年起每年帶征一年以免小民一時並征

之累二十六年自十三年以後加增雜稅銀兩概予豁免

二十七年三月奉

旨將十七年以前未完漕項銀米麥俱着蠲免十月奉

恩詔安徽所屬各郡縣二十八年應征地丁各項錢糧俱着蠲免

二十八年正月奉

旨江南除正項錢糧節次蠲免外再將全省積年民欠一應丁

地錢糧悉行蠲免

三十二年奉

旨蠲免漕米三分之一太邑免漕米壹仟叁拾貳石零

三十五年奉

詔內開江南等省康熙三十三年以前歷年積欠及帶征未完

銀米俱着豁免又

諭漕項歷年積欠及帶征未完銀米亦着豁免

三十八年三月十三日奉

旨江蘇安徽所屬舊欠帶征錢糧除康熙三十三年  
恩詔內已經赦免外其三十四五六年一應丁地米麥豆雜稅  
俱着蠲免

四十一年奉

旨安徽所屬府州縣衛等處康熙四十二年分地丁錢糧除  
漕項外通行蠲免

四十五年十月奉

旨江蘇安徽等省自康熙四十三年以前未完地丁銀米盡行  
蠲免其舊欠已完在官而見年錢糧未完足者亦准扣抵

太平縣志

卷一 蠲賑

二十二

四十六年十一月奉

旨康熙四十七年江南通省人丁額征銀兩悉行蠲免其本年  
被災應征地畝銀一概免征所有舊欠帶征銀米並暫停征取

四十七年十月奉

上諭康熙四十八年除漕項外其地丁銀兩概行蠲免

四十八年地丁銀兩全行豁免

四十九年六月奉

旨將江南舊欠四十四四十五四十六四十七年未完地丁等項  
錢糧於五十年起分四年帶征四十七年漕項錢糧于五十三  
年帶征

五十一年五月奉

旨三十年至四十三年未完地丁等銀准其免征 十月奉

旨除清項外五十二年應征地丁銀俱着察明全免其歷年舊欠亦并免征又

恩詔內開應征房地租稅銀兩着察明額數於康熙五十三年豁免一年其歷年逋欠一並察明免其追補

五十五年秋被旱災免丁銀柒伯貳拾捌兩零免米肆拾叁石零免豆陸拾伍石零又奉

旨蠲免四十七年舊欠地丁銀陸伯捌拾玖兩零又免五十四年舊欠地丁銀捌伯玖拾柒兩零

六十年秋被旱災奉旨蠲免銀肆伯伍拾叁兩零免米貳拾陸石零豆肆拾壹石零

雍正元年奉恩詔各省民欠錢糧年久應免者查奏豁免 二年六月

特恩蠲免康熙四十六年起至五十年舊欠地丁銀米豆麥 三年被旱災奉

旨蠲免銀捌伯壹拾柒兩零免米肆拾捌石零免豆肆拾柒石零 八年免直省安徽陝西山東山西廣東六省丁地錢糧共貳伯

肆拾柒萬 十二年十二月以宣南涇太秋禾被水照災田分數蠲免地丁錢糧米豆仍動支倉穀賑濟饑民五月

乾隆元年奉旨各省民欠錢糧係雍正十三年以上者查明奏請豁免太邑

免銀陸伯貳拾肆兩零米捌拾捌石零豆伍拾石零 二年太平秋被水災奉

旨蠲免銀玖拾捌兩零米伍石零豆捌石零

三年被旱災奉

旨蠲免銀捌佰捌拾叁兩零米叁佰柒拾肆石零豆陸拾伍石零又奉

旨免二年民欠銀壹仟壹佰肆拾兩零米壹佰肆拾壹石零豆玖拾石零又奉

旨賑大小口捌萬伍仟捌佰捌拾肆口賑過銀貳萬肆仟玖佰柒拾肆兩零又奉

上諭將雍正四年以下丁地安屬免銀陸拾萬兩奉布政司擬取各州縣實徵納戶糧冊核查凡伍錢玖毫以下為下戶全免伍錢以上至伍兩玖毫以下者為中戶免三錢玖分陸厘伍毫其餘兩玖毫以上者為上戶全徵不免俾窮民得沾實惠太邑免銀陸仟柒佰捌拾柒兩零

太平縣志

卷一 蠲賑

二十四

四年奉

旨將乾隆二年元年雍正十三年民欠未完丁地漕項銀米錢糧盡行蠲免太邑免元年民欠銀柒佰貳拾兩零米壹佰捌石零豆陸拾貳石零

十年奉

恩詔各省錢糧通行蠲免照康熙五十一年之例分為三年以次蠲免太邑輸於十二年蠲免地丁銀壹萬貳佰壹兩零米叁佰叁拾陸石零豆捌佰陸拾捌石零

十五年奉

旨將乾隆十三年并十三年以前未完耗羨蠲免十分之六十六年欽奉

上諭將乾隆元年起三十三年止未完熟田錢糧盡行蠲免



又秋禾被旱奉

旨將應征丁地折色米豆按照分數蠲免太邑免銀貳佰壹

兩零米壹拾壹石零豆壹拾柒石零又奉

十八年夏被蛟水奉

旨蠲免銀壹百陸兩伍錢零米伍石玖斗零豆玖石捌升零又

旨賑大小壹仟肆佰伍拾陸口賑過銀肆佰捌拾捌兩貳錢零又  
被水冲倒房屋叁佰壹拾柒戶房玖佰陸拾貳間共給修葺  
銀叁佰叁拾叁兩貳錢

三十五年欽奉

太平縣志

卷一 蠲賑

二十五

上諭普免地丁起存等銀太邑免銀玖仟捌佰玖拾肆兩零是年  
復奉

上諭普免漕糧

四十三年欽奉

上諭普免地丁起存等銀兩

五十年旱災給賑銀肆仟餘兩除勘不成災外已成災田蠲免  
丁地叁佰餘兩先是欽奉

上諭輪免漕糧太邑應於五十一年輪免因五十年秋禾被旱  
成災撫軍書麟奏請改於五十年太邑免漕糧貳仟玖佰  
伍拾壹石貳斗

五十七年欽奉

上諭普免地丁起存等銀太邑免銀玖仟捌佰玖拾肆兩零

五十九年欽奉

恩旨屢在明歲遠甲告成之年普免漕糧一週等因於六十年  
欽奉

上諭普免漕糧太邑免漕米貳仟玖伯伍拾壹石貳斗又奉  
旨將六十年以前尾欠錢糧普行蠲免

嘉慶元年全蠲丁地銀玖仟捌伯玖拾肆兩零

附錄

唐宣宗大二年罷淮南宣歙浙西今至元日常貢以代  
下戶租稅唐書

昭宗大順元年八月免宣州等處逋負舊志附紀

宋英宗治平元年大水遣使疏治賑恤蠲租賦舊志

高宗紹興七年罷宣州逋賦及下戶今年身丁錢宋史

不平縣志

卷一 蠲賑

二十六

孝宗淳熙二年秋民饑賑之粟舊志

寧宗慶元五年蠲甯國府包認廢圩米舊志附紀

嘉定八年饑令江東提舉賑之十七年大水命賑之舊志

元世祖至元二十七年甯國等路大水賑粟 二十九年甯

國等路大水免田租發粟賑之元史

成宗大德元年以糧貳萬石賑甯國太平 二年甯國等

處水發臨江糧以賑仍弛澤梁之禁聽漁民漁採 四年旱

以糧壹萬石賑之五年大水以糧賑糶續通考六年六月

賑甯國等路饑

英宗至治元年賑甯國路饑

泰定帝泰定三年九月甯國路諸屬縣水民饑賑之

至順元年甯國路饑先後賑糧以上元史

明太祖洪武二年正月詔免甯國等五府州稅糧 三年  
詔免秋糧 四年詔免夏秋二稅 五年十月詔免秋糧  
八年免旱田租 九年免田租 十一年八月詔免秋糧十  
三年五月雷震謹身殿詔免秋夏稅糧 十四年十月詔秋  
糧官田征半民田盡行蠲免 十六年五月免甯國等五  
府稅糧命戶部宣諭敢有侵漁者寘於法 二十八年九月  
盡免民田租 二十九年八月詔復免田租

英宗天順四年大水免征糧草明典彙

憲宗成化六年三月免池州甯國二府去年秋糧

孝宗宏治五年十一月免四年夏稅秋糧舊通志

武宗正德三年旱饑遣官賑恤檄邑富民助粟以賑

世宗嘉靖八年令撫按曉諭積糧之家仗義出穀者給冠

太平縣志

卷一 蠲賑賞賚

帶授品有差續通考

神宗萬曆十六年大荒發太僕寺馬價及南京戶部銀兩

賑濟 十七年因災免本年起運倉米麥十之五又南糧水

免十之三

熹宗天啟七年大水免本年起存額賦有差

懷宗崇禎十四年大旱詔漕米改兌麥折三分以上舊志

賞賚

國朝康熙二十年

上諭賞賜老人絹綿粟肉有差

二十二年

上諭賞賜老人絹綿粟肉有差

二十七年十月欽奉

恩詔七十以上者許一丁侍養免其雜派差役八十以上者給絹壹匹綿壹斤米壹石肉拾觔九十以上並百歲者倍之  
三十二年

詔賜老人絹綿粟肉有差  
四十二年欽奉

恩詔賞太邑八十以上老民四百三十七名九十以上老民八名  
共給銀捌百肆拾柒兩零

四十八年三月欽奉

恩詔賞太邑七十以上老民八百五十一名八十以上老民二百八名九十以上三名共給銀貳百叁拾壹兩零

五十二年三月

詔軍民七十以上者許一丁侍養免其雜從差役八十以上者

太平縣志

卷一 蠲賑賞賚

二十八

給絹壹匹綿壹斤米壹石肉拾斤九十以上者倍之至百歲

者題明給銀建坊太邑七十以上老民一千零六名八十以

上者三百八十九名九十以上者九名共給銀肆百陸拾叁兩零

六十一年十一月欽奉

恩詔賞太邑七十以上老民一千七百一十一名八十以上者一百九十九名九十以上者二十一名共給銀貳佰陸拾肆兩零

雍正元年

詔賜老人絹綿粟肉如康熙五十二年例又八十以上老人素為鄉里所敬重者給八品頂帶榮身又賞七十以上老婦一千二百九十六名八十以上者六百三十三名九十以上者四十八名共給銀壹仟柒拾兩零

乾隆元年八月欽奉

恩詔賞太邑七十以上老民一千四百九十七名八十以上者五百一十九名九十以上者一十四名共給銀陸拾伯貳拾叁兩零又賞七十以上老婦三千一百九十五名八十以上老婦八百五十二名九十以上老婦四十一名共給銀壹仟捌伯玖拾捌兩零

十五年九月欽奉

恩詔賞太邑八十以上老婦一千八百八十九名九十以上老婦一百一十五名共給銀壹仟伍百捌拾玖兩零

十六年奉

恩詔八十以上老民每名給絹壹匹米壹石綿壹劬肉拾劬九十以上者倍之 部議絹每匹折銀柒錢伍分米每石折銀七錢伍分綿每劬折銀捌分肉每劬折銀貳分半

太平縣志

卷一 蠲賑賞賚

二十九

三十六年

恩詔八十以上老民每名給絹壹匹米壹石綿壹劬肉拾劬九十以上者倍之

四十五年

恩詔八十九十以上每名賞給絹綿米肉遵照部議定價

五十年

恩詔八十九十以上老民每名賞給絹綿肉米遵照部議定價給領

五十五年

恩詔賞太邑七十以上老民二千零一十二名每名絹壹匹綿壹劬米伍斗肉伍劬八十以上老民三百名每名絹壹匹綿壹劬米壹石肉拾劬九十以上老民三十五名絹綿米肉倍之

嘉慶元年欽奉

恩詔老民七十以上者許一丁侍奉免其雜派差役太邑八十以上老民二百九十名每名絹壹匹綿壹觔米壹石肉拾觔九十以上老民二十九名每名絹綿米肉倍之是年恩詔內開年老之人自古所重滿漢七十以上除家奴外給與品級之處該部查議具奏部議七十以上者給與九品頂帶八十以上者給與八品頂帶九十以上者給與七品頂帶百歲以上者給與六品頂帶奉

旨依議欽此欽遵在案太邑驗報蒙

恩賞給冠帶者詳縣冊

附錄

明天順八年詔七十以上免一丁給酒肉八十以上給綿布九

太平縣志

卷一 蠲賑賞賚

三十

十以上給冠帶每歲宴待一次

成化七年詔八十以上男婦人給絹壹匹綿壹觔米壹石肉拾觔八十以上為鄉里所敬服者加以冠帶九十倍給十一年詔民九十以上有德可尊者錫以冠帶

二十年詔民八十以上為鄉里所敬服者有司勘實榮以冠帶仍給絹米肉九倍以上倍之

宏治十八年六月詔民年八十以上給絹米肉其為鄉里所敬服者加冠帶榮身

萬曆十年詔七十以上許一丁侍養免其雜派差役八十以上仍給絹壹匹綿壹觔米壹石肉拾觔九十以上倍之其男子若有德行著聞給冠帶榮身

論曰人君愛民為本周禮荒政有蠲免之條賑濟之令

太志唐宋元明為之上者亦皆留心民瘼我  
朝重熙累洽時和年豐民安樂利偶遇歲祲德意逮下子  
惠元元何周洽也若夫七十八十者扶杖以觀太平膺  
朱提之榮寵邀冠帶之隆恩猗歟盛哉非郅治之隆  
曷克臻此

典禮

禮時為大胥本諸天準今酌古次第無愆因革損益祀典尤虔設誠致行儀文蔚然志典禮

公式

萬壽

元旦 長至 龍亭供於大堂知縣暨文武各官五鼓朝服列班行三跪九叩首禮

詔至

知縣偕文武各官朝服出郭跪迎導至儀門跪接

龍亭供奉大堂行三跪九叩禮興詣 亭前跪受 詔授禮生恭捧登臺開讀眾官跪聽畢詣 亭前跪繳詔興復位三跪九叩畢散班

立春

知縣暨各官朝服盛儀由南門至天都書院前向東迎春詣芒神前行一跪三叩禮導由東門至儀門安春縣官偕各官於大堂

太平縣志

卷一 典禮

三十二

就席春宴畢詣芒神前行一跪三叩興更蟒袍執彩杖鞭卷三繞三轉整衣復位禮畢

縣官到任先日齋宿城隍廟次日吏役儀仗導至署祭儀門行一跪

三叩禮畢易朝服禮生引至大堂謝

恩行三跪九叩禮即如儀拜印畢易補服陞堂用印吏役以

次參見

開印封印朝服謝

恩三跪九叩開印行禮後開封印封印後行禮

耕藉雍正四年頒季春擇日知縣暨僚屬祭 先農壇禮畢詣壇

所前着蟒袍秉耒屬官播種老農牽牛扶犁官九推農夫

終畝印望闕三跪九叩禮畢

勸農芒種後縣官備花紅酒扇詣各處傳集農民飲以酒賞給



花紅并扇勉其力作

講約每月朔望知縣偕各官朝服率紳耆詣明倫堂供奉

聖諭行三跪九叩禮畢分班坐禮生登臺宣講眾環立恭聽

講書知縣同教官詣明倫堂相見禮畢各依位坐定諸生旁侍講書

數章賞給紙筆

文武新生送學肄業知縣先期傳集各生屆期知縣補服陞堂各生

公服謁見分左右立飲酒三巡給花紅新生三揖縣官送詣

文廟行三跪九叩禮畢諸生由泮池轉至明倫堂知縣與教官先

行師東主西禮凡四拜復行主東師西禮亦四拜各生拜見學

師復拜謝縣官畢俱出

文武科舉知縣擇日啟請屆期學師與諸生齊集縣官暨僚屬詣

明倫堂遂諸生登堂行禮畢知縣執酒揚卮敬天地換酒安席

太平縣志

卷一 典禮

三十三

先敬文生次敬武生再敬儒學典史各生回敬就席飲畢叩謝

知縣送至東門外作餞

鄉飲酒禮每歲正月望十月朔舉行大賓以致仕鄉紳有德

者為之介賓以年高士人有德者為之耆賓以年高流寓紳民

為之三賓例由紳士公舉儒學查實加勅經縣轉詳知縣

啟請屆期備筵明倫堂知縣為主教諭訓導為司正司副

事具饌布席賓位西北東南向主位東南西北向候位

南向介位西南東北向賓以下序齒主以下序爵凡在西者皆

為賓在東者皆為主而候則助主人樂賓者也席既定速賓賓

至近於禮門三揖三讓升堂賓東主西四拜主東賓西賓答

拜亦如之鼓三通執事生揚解讀律畢賓主就席行酬獻

禮飲酒三行初行奏樂歌鹿鳴之章再行奏樂歌南山之章

三行奏樂歌湛露之章歌畢徹席交拜望北謝恩行三跪九叩禮畢賓三揖出縣主學師送至禮門外揖而退揚解文恭惟朝廷率由舊章敦崇禮教舉行鄉飲非為酒會凡我長幼各相勸勉為臣盡忠為子盡孝長幼有序兄弟兄弟內睦宗族外和鄉里無或廢墜以忝所生律令凡鄉飲酒禮序長幼論賢良別奸頑其坐席間高年有德者居上高年這篤者並之以次序齒而列其有違條犯法者不得與善良之選違者罪以違制敢有諛諱失禮者揚解者以禮責之

附祈雨祈晴先期示禁屠沽在城隍廟立壇知縣暨各官詣壇設香案二跪六叩畢僧道諷經每早晚各官俱齊石步詣行香儀如初數日不雨改設壇於重興寺禱求有應具牲

### 太平縣志

#### 卷一 典禮

三十四

醴報祭凡祈雨行香各官俱便帽素服祈晴俱吉服

胆食知縣暨各官詣大堂陰陽生報初虧某刻幾分詣初虧神牌前行一跪三叩禮僧道振金鼓兩廊繞轉救護報食甚詣食甚神牌前如前行禮報復圓詣復圓神牌前行三跪九叩禮畢謝闕行三跪九叩禮畢散班日食各朝服月食常服

#### 秩祀

元旦知縣暨文武各官朝賀畢俱蟒袍補褂詣

文廟 文昌帝君廟 玉帝閣 關帝廟行三跪九叩首禮

東嶽觀 志烈廟 城隍廟俱行二跪六叩禮 都土地祠

周公祠俱一跪三叩每月朔望行香儀同

正月十三日祭舊於仲春秋擇期祭八蜡神乾隆十二年停八蜡祭

專祀劉猛將軍 續於仲春秋仍祭八蜡神

劉猛將軍廟陳設帛爵羊豕菓蔬 祀儀行一跪三叩禮

二月上丁日祭

文廟並

崇聖祠詳見學校同日祭 名宦祠陳設帛爵羊一豕一菓蔬

祀儀行一跪三叩禮請祝畢再行一跪三叩禮 祝文維 神職司

專城政教兼舉禦灾捍患其有功德於民者良厚茲當春秋

理宜崇祀

鄉賢祠陳設祀儀同名宦 祝文維 神出為邦楨處式後生鄉

評推重其有明備於後者良多茲當春秋仲理宜崇祀

忠義祠陳設祀儀同上 祝文維 神靈賦貞純躬行篤實忠

誠奮發貫金石而不渝義問昭宣表鄉閭而共式祇事春秋倫

之大性執我蒿克恭念天顯之親情殷棣萼模楷咸推夫

太平縣志

卷一 典禮

三十五

懿範 綸恩特闡其幽光祠宇維隆歲時式祀用陳尊簋春秋永格

正定 學土地祠陳設祀儀同上 祝文維 神奠衛春秋靈言

斯文發跡毓鍾地靈幸化邦域茲當春秋仲謹以牲醴之儀用

伸春秋祭以上祝文俱乾隆九年頒凡祝文頒年同

二月上戊日祭

社稷壇雍正二年頒壇制并祭品

陳設各黑色幣一磁爵三羊一豕一釧二實和羹簋二春秋黍稷

簋二實稻梁籩四實形鹽黍魚棗栗豆四實春秋並進醴醢

菁菹鹿脯

祀儀先期省牲屆期各官朝服往祭迎 神行三跪九叩春秋

畢行初獻禮主祭官詣盥洗所盥手詣 神位前跪獻帛獻

爵叩興詣讀祝位跪讀祝畢叩興復位行亞獻終獻禮俱

如前各獻爵畢詣飲福位跪飲福酒受福胙三叩首興復位送神行三跪九叩禮望燎復位祀畢

祝文維 神奠安九土粒食萬邦分五色以表封圻育三農而蕃稼穡某等承承守土肅展明禋時屆仲春聿修祀事庶凡

九松柏華盤石以無疆翼翼黍苗秋神倉于不匱尚

風雷雨山川壇各白色幣一餘陳設祀儀均與社稷壇同

祝文維 神贊宸天澤福佑蒼黎佐靈化以流行生成永賴

乘氣機而鼓盪溫肅仗宜磅礴高深長保安貞之吉憑依

國寶資捍禦之功幸民俗之殷盈仰 神靈之庇護恭修歲

祀正值良辰敬潔豆籩祗陳牲幣伏惟格歆尚饗同 日

忠烈廟陳設帛爵羊豕菓蔬 祀儀知縣暨各官補服行

二跪六叩禮 節孝祠陳設祀儀與忠義祠同 祝文維神純

太平縣志 卷一 典禮 三十六

正皎潔令德柔嘉矢志完貞全閭中之亮節竭誠致敬彰

內之芳刑茹冰蘖而彌堅清操自勵奉盤匱而匪懈篤孝傳

徽 絲綸特沛乎殊恩祠宇昭垂於令典祇循歲祀式薦尊醑

當春仲謹以牲醴之儀用伸蒸祭 縣土地祠 名公祠

周公祠 節烈祠陳設帛爵羊豕菓蔬行一跪三叩禮以上同

### 二月頒期祭

武廟陳設幣一牛一羊一豕一果殺九 祀儀先期詣廟省牲屆期

知縣暨各官朝服致祭 神行三跪九叩禮是行初獻

詣聖洗所盥手詣 神位前跪獻帛獻爵叩奠跪禮復位跪

讀祝畢叩興復位行亞獻終獻禮如前獻爵畢詣飲福位飲

福酒受福胙三叩首興復位辭 神三跪九叩望燎復位祀畢

祝文維 帝浩氣凌霄丹心貫日扶正統而彰信義威

九州完大節以篤忠貞名高三國神明如在遍祠宇於寰區  
應丕昭為馨香於歷代屢徵異蹟顯佐羣生恭值嘉辰遵行  
典禮侑饗豆凡奠牲醪尚饗

祭之日儒學先祭後殿

曾祖光昭公

祖裕昌公

父成忠公 陳設減牛餘同前殿

祀儀詣 神位前二跪六叩獻爵

讀祝畢再行二跪六叩禮

祝文維 公世澤貽休靈源積慶德能昌後篤生神武之英善  
則歸親宜享尊崇之報列上公之封爵錫命優隆合三世以肇  
禮典章明備恭逢詠吉祇事薦馨

初三日祭

太平縣志

卷一 典禮

三十七

文昌帝君

陳設祀儀與武廟同

祝文維 神蹟著西垣樞梁北柱六匡麗耀協昌運之光華宗  
代垂靈為文人之主宰扶正久彰夫感召薦馨宜致其尊崇茲  
屈仲春用昭時祀 神其格歌鑒此精虔

儒學先祭

文昌後殿 陳設祀儀與武廟後殿同

祝文祭引先河之義禮崇反本之恩矧夫世德彌光延賞斯及  
鍾累代炯列宿之精靈化被千秋緯人文之主宰是尊後殿用  
答前麻茲值仲春肅將時祀用伸告潔神其格歌

初四日祭

呂祖師廟陳設菓品五盤饅首五盤蒸糕五盤餅四盤高頂一盤  
祀儀知縣暨各官補服致祭行二跪六叩禮

三月頒期祭

先農壇隄設祀儀與社稷山川二壇同祭畢舉行耕藉禮

祝文維 神肇興稼穡粒我蒸民頌思文之德克配彼天念率  
育之功陳常時夏茲當東作咸服先疇洪惟 九五之尊歲舉三  
推之典恭膺守土敢忘民勞謹奉 彝章聿修祀事惟願五風十  
雨嘉祥恒沐於 神庥九穗雙歧上瑞頻書于大有

清明日祭

邑厲壇先期知縣牒告於城隍神厥明導 神於壇張榜無  
祀鬼神列壇下午後知縣暨僚屬補服詣祭 陳設牲醴菓  
蔬多設酒飯冥錢冥衣 祀儀迎 神一跪三叩興詣香案前  
行三獻禮讀祝畢叩興復位再行一跪三叩禮 祝文皇帝聖旨  
普天之下率土之上無不有人無不有鬼神人鬼之道幽冥維

太平縣志

卷一 典禮

三十八

殊其理則一故天下之廣兆民之衆必立君以主之君總其大又  
設官分職于府州縣以各長之各府州縣又于一百戶內設一  
里長以細領之上下之職網紀不紊此治人之法如此天子祭  
天地神祇及天下山川王國各府州縣祭境內山川及祀典神  
祇庶民祭其祖先及里社土穀之神各有等第此事神之  
道如此尚念冥冥之中無祀鬼神昔為生民未知何故而  
沒其間有遭兵刃而橫傷者有死于水火盜賊者有殺人  
取財而逼死者有被人強奪妻妾而死者有遭刑禍而自底  
死者有天災流行而疫死者有為猛獸毒虫所害者有為饑  
餓凍死者有因戰鬥而殞身者有因危急而自縊者有因墮  
屋傾頽而壓死者有死後無子孫者此等鬼魂或終于前代  
或没于近世或兵戈擾攘流移于他鄉或人烟斷絕久缺其祭

祀姓名泯滅于一時祀典無聞而不載此等孤魂死無所依藉級  
未散結為陰靈或倚草附木或作為妖怪悲號于屋宇之下  
呻吟于風雨之時凡遇人間節令心思陽世魂杳杳以七身  
墮沈淪意懸懸而望祭興言及此憐其慘悽故欲天下有  
司依時享祭在京都有泰厲之祭在王國有國厲之祭在  
各府州有郡厲之祭在各縣有邑厲之祭在鄉里有鄉厲  
之祭其為神依人而血食人敬神而知禮仍命本處城隍以  
主此祭歛奉如此某等不致有違謹設壇於城北三月清  
明七月十五十月初一置牲醴饗飯專祭本邑無祀鬼神  
等衆靈其不昧來享此祭凡我一縣境內人民倘有背逆不  
孝不敬六親者有奸盜詐偽不畏公法者有物曲作直欺  
壓良善者有躲避差徭靠損貧戶者似此頑惡奸邪不

太平縣志

卷一 典禮

三十九

良之徒神必報于城隍發露其事使遭官府輕則笞決杖  
斷不得號為良民重則徒流絞斬不得生還鄉里若事未  
發露必遭陰譴使舉家病染瘟疫六畜田疇不利如有  
孝順父母和睦親族畏懼官府遵守禮法不作非為  
正直之人神必達之城隍陰加護佑使其家道安和  
順序父母妻子保守鄉里我等合縣官吏人等如有上欺  
朝廷下枉良善貪財作弊蠹政害民者神必無私一體  
報如此則鬼神有鑒察之明官府非謫諛之祭尚享

三月二十八日

東嶽聖帝誕辰知縣詣廟設香案行二跪六叩禮

五月十三日祝

闕聖帝君誕辰祭與仲春同

六月二十三日祭

火神廟陳設牲醴菓品一跪三叩禮

馬王廟設香帛菓酒一跪三叩禮

七月十三日

城隍神誕辰知縣詣廟設香案行二跪六叩禮

十五日祭

邑厲壇與清明祭同

二十三日祝

忠烈張公誕辰與仲春祭同

八月上下日祭

文廟並

崇聖祠

名宦祠

鄉賢祠

志義祠

學士地祠

太平縣志

卷一典禮

四十

八月上戊日祭

社稷壇

風雲雷雨山川壇

忠烈廟

名公祠

節孝祠

都土地祠

周公祠

節烈祠

初四日祭

呂祖師廟

頒期祭

武廟並

後殿

頒期祭

文昌帝君並

後殿以上各祭均與仲春祭同



九月霜降祭

旗壽縣神在東門外教場設香帛牲醴行一跪三叩禮

十月初一日祭

邑厲壇與清明中元日祭同

冬至後第三戌日祭

劉猛將軍與孟春祭同

贊曰前王創制典禮為先典者常也禮者履也禮非典  
不大典非禮不行周禮春官大宗伯以吉禮祀鬼神言  
吉禮而凡祭祀之事統之矣以嘉禮親萬民言嘉禮而  
凡嘉善之事統之矣則其禮至隆其典至要也故特增  
入典禮一門以補前志所未備使主其事者竭誠  
盡慎與夫邑中賢士郁郁彬彬以共著其有美  
而有文也豈不休歟

太平縣志

卷一 典禮

四十一

